

**Pelegrinaje dla Uniun dles Patrones da S. Martin de Tor** ai 06 de jügn al Santuar Dreibrunden te Vinschgau cun vijita al'Aquaprat. Al nes accompagnëia siur Degan. Prenotaziuns pro Lucia al cell. 338/9918326 o pro Loise 0474/590026.

**Domisdé de ritiro a Oies** en domënia, ai 28 de ma (dales 16.00 ales 18.00), vëgnel tigní n'adoraziun eucaristica, Primizmesse, confesciuns y benedisciun cun Br. Gabriel Hüger y so fre primiziant. Düc é inviá.

**Le Sorvisc ai Jogn Val Badia** lascia alsavëi che les iscriziuns al proiet JABA 2017 por jogn dai 15 ai 19 agn pó gní fates da sègn inant tl ofize dl Sorvisc ai Jogn a Picolin o tl Zënter SaJ.un a La Ila. Implö vëgnel chirí voluntars a daidé pro la "Festa di mituns 2017" ai 11 de lugio. Informaziuns pro Sorvisc ai Jogn nr. 0474/523070.


**De Internaz. al Museum Ladin ai 21.05.2017** (entrada debann)  
- tl ciastel a San Martin rapresentaziuns dales 14.30 y dales 16.30. Orars de daurida dales 14.00 ales 18.00. An pó ince odëi la mostra Trienala.  
- tl Museum Ladin Ursus ladinicus a S. Ciascian informaziuns cun n paleontologh. Le Museum é davert dales 10.00 ales 18.00 y les incuntades é dales 11.00, 14.30 y 16.00. Düc é dër bel inviá.

**Le Patronat dl sindacat Sgb Cisl** vëgn te Raiun Sozial a Picolin por pité ala jënt la poscibilité da lascé fá debann la EEEV vigni secundo y cuarto mertesc dl méis dales 15.00 ales 17.00 tla 3. alzada dl Raiun Sozial a Picolin. Al ne vá nia debojëgn de n termin. Por informaziuns telefonede al nr. 0474/375200.

**Jun a pe cun le KVW:** inviun düc en mercui, ai 24 de ma ala "Dörferrunde" Feldthurns – Schnauders - Verdings. Piun ia da Pedraces dales 08:00 y präibel prenotesse pro laco al nr. 0471/839772.

**La Müjiga de Badia** ves inviëia al Concert d'Aisciüda en sabeda, ai 27 de ma dales 20:30 te salf dles manifestaziuns J.B. Runcher a S. Linert.

**Le comun de Badia** lascia alsavëi che al gnará fat na sëra de informaziun cun le tema dla rëi telematica (fibra ottica) te Ciasa Runcher ai 29.05.2017 dales 20:00. Düta la popolaziun é inviada da gní a se tó les informaziuns atuales.



# Plata dla Ploania

## Badia

### San Iaco - San Linert

Ploan: **Siur Iaco Wendelin Willeit**  
Colonia Badia: **0471/839571**  
E-Mail: [parrocchiabadia@libero.it](mailto:parrocchiabadia@libero.it)  
Radio dla Ploania: **91,10 Mhz**

UNITÉ PASTORALA




[www.unitepastorala.org](http://www.unitepastorala.org)

Ann „A“ 21.05. - 28.05.2017 6° Domënia de Pasca n. 26

## Dis dles Crusc

Periede, spo se  
gnarál dé,  
chiride, spo  
ciafarëis,  
tlocorede a porta,  
spo se gnarál dauri.



### Vangele dla Domënia che vëgn - Festa dl'Assënza

Mat. 28, 16-20

Te chël tēmp é i önesc discepui jüs tla Galilea sön chë munt che Gejú ti á dít. Y canch'ai á odü Gejú, s'ái inslené dan da d'ël.  
Mo n valgügn dubitâ. Dailô ti é Gejú jü pormez y ti á dít: A me m'él dé döta la potesté tl cil y söla tera. Porchël jide da düc i popui y fajede fora de döta la jënt mi discepui; batiedi tl inom dl Pere y dl Fi y dl Spirit Sant, y insignedi da osservé döt ci ch'i ves á dé sö. Ciarede: lö sun cun os, düc i dis cina ala fin dl monn.

# FUNZIUNS SACRES

## 21.05. 6<sup>a</sup> DOMÈNIA de PASCA

- 10.00 Mèssa por la Comunità  
15.00 Ora de adoraziun  
18.00 †to Stefo Irsara - aniversar  
†to Emilio Costisella  
por fam. Giovanni y Maria Pitscheider

22.05. Lùnesc - S.ta Rita da Cascia  
19.30 *Devoziun de ma ("Umes prèia deboriada" y cun le terzet)*

23.05. Mertesc  
19.30 †tes Albina y Teresa Trebo - aniversar  
†to Erich Dapunt  
por fam. Aldo y Rosmarie Irsara

24.05. Mercui - *De mondial dl'oraziun por la dljia tla Cina*  
07.30 †to Alfred Rungg – aniversar  
†ti de Arturo Canins  
por fam. Pallua en rengraziamënt a Gejú y S.Maria

25.05. **Jöbia dles Rogaziuns**  
07.00 *Prozesciun dles Crusc a Oies – S.Mèssa*  
por na familia - ad intenziun

26.05. **Vëndres dles Rogaziuns**  
07.30 †ti Nazio, Tarina y Paul Pizzinini  
†ti Emma y Emilio Pitscheider  
por les animes dl purgatore  
18.45 *Prozesciun dles Crusc a La Ila - Funziun*

27.05. **Sabeda dles Rogaziuns**  
07.40 *Prozesciun dles Crusc te paisc – S. Mèssa*  
†to Siegfried Dapunt – aniversar  
†ti Thaler  
16.00 Mèssa a Oies  
19.30 *Devoziun de ma (arjignada ca dai scolars)*

## 28.05. DOMÈNIA dl'ASSÈNZA - FESTA dla CREJIMA

- 09.45 *Dan Calonia:* Salüt y ingres te dljia  
10.00 Mèssa cun aministraziun dl Sacramënt dla Crejima  
18.00 †ta Paola Valentin da Pransarores  
†to Manfred y süa familia en onur de S. Maria  
†ti Tareja, Angel y Tekla Valentin

# Dala VITA dla CÜRA


## **FESTA dla CREJIMA** en domènia, ai 28 de ma 2017



dales 09:45 se abinun dan calonia a saludé le minister dla Crejima, siur Ulrich Fistill, spo ingres te dljia. Les proches resta rerservades por i familiars y præibel tignisse ai ordins dles porsones inciariades.  
***DÜC i crejimanc é periá de gní en jöbia, ai 25 de ma dales 18:00 te dljia a fá na proa.***

Por le "**De mondial di Cristians tla Cina**" en mercui, ai 24 de ma sarál dales 20:00 a Oies na santa mèssa.

**Legio Mariae:** chësc grup se abina en jöbia ai 25 de ma dales 14.00 te dljia por n'ora de oraziun.



En sabeda, ai 20.05.2017 se á uní tl Sacramënt dl MATRIMONE Sven Mutschlechner dl Lech da Sompunt cun Marika Vanti. La Comunità de Badia ti aoda tröpa ligrèza y benedisciun de Dî sön so tru deboriada.

**Gita dla Uniun dles èles:** dütes é inviades ai 30 de ma (an pèia ia da Pedraces dales 06:30) da gní a Marienberg te Vinschgau olache al sará na santa mèssa. Dedô marëna a Glurns y vijita al Kräuterschlössl de Goldrain. Prenotesse pro Roberta al nr. 338 3852548 (*domisdé o da sèra*).

**Pelegrinaje dles porsones sores y vèdues:** düc é invia en jöbia, ai 1 de jügn da gní a Sarnthein olache siur Degan dijará la mèssa y dedô marëna y picera marëna söl iade da gní zruch. An pèia ia da Pedraces dales 07:40. Le prisc é 40 € y præibel prenotesse cina al 28 de ma al nr. 0474/590069.



A Oies sarál da sègn inant les mèssets dl **mertesc, mercui y jöbia dales 20:00.**